

Алдр зураг нүцэхд—цуг чидлэн

Шидрэн Целинн районы партийн активин хург болв. КПСС-н ЦК-н ноябрьск Пленумин дигин болн районы партийн организацин төрмүдин туск доклад КПСС-н Хальмг таньгын комитетин сөглэтр үр **В. В. Чехлов** кев.

Коммунистическ партин XXI-ч хургт болн тер хург деер Н. С. Хрущевин кех докладин тезисмүдэр келдэж йовх делгү күүндврт Хальмг таньгын цуг күч-көлсчир өргнэр өрлөдэж, бөдөн даалгъвр авч, шундэж йовхнь докладт темдлгдв. Мана орнунтт коммунизм тосхлына даалгъврта нөг цагнь болгч, СССР-н олон-амтна эдл-ахун делгрэтин долан джилэ зурад бичгден агьу ик то, эн джилмүдин эргцд, келхд, мана республикин, тер төөд Целинн районы эдл-ахушь ямр дүнбгэ бөдлхинь илэр үзүлджэхнь, тер учрар районы партийн организацин өмн ямр дүнбгэ ик чинртэ төрмүд тэвгддэхнь бас үр Чехловин докладт темдлгдв.

Долан джилэ зурад темдлгдсн, селәнэ эдл-ахун агьу ик бсэтин

кемджэнд күрхин төлэ, селәнэ эдл-ахуг механизмэр теткльгэни төр ах төр болдж гарчехин тускар «Балковский» совхозин директор үр **Монок** келв. Цааранднь үр Монок, школ бөөдл-джиргьллэ залгьлдаг чаньгьгалгьна болн олон-амтна сургуулин системг цааранднь делгр-үлгьнэ туск тезисмүд цуг нарт делкэн гол оньт бөөхин тускар келв.

Райисполкомин ахлач үр **Л. В. Мазин**, эврәннь райогьан эдл-ахун цуг халхар гишнь республикд сүүлин ормсин негинь эзддэхинь темдлгд, иим йовдд уршгнь болджах дуту-дундсиг илдэж шалгьв. Келхд, учрежденьсэр болн эдл-ахусар бүрдэмдин көдлмш тату, кадр дигльгэн му, үлгүрнь, районы учрежденьсин көдлэчирин 40 процентнь шишлнь көдлджэх, күч-көлсн дегтр уга, энд-тендэс ирад цаг-зуур көдлджэх улс гидж келв. Күч-көлсн ашиг делгү бөдлүлхин, төлэ иим йовдмуд гардгиг уурулхин туск шишлнь шиидвр кергтэ гидж үр Мазин, селвгэн келв.

Олон-амтна ухан-серн бөдлүлхэнд, күч-көлсчир дунд цөөлгьчрин көдлмш өргнэр делгрүлгьн, үндэж болшго ик чинр зүүнэ, тер учрар эн халхар көдлгд улсин даалгьвринь бөдлүлх кергтэ, эн төр ода мана өмн тэвгддэх агьу ик зура күцэлгьнэ улнь болдж гарчана, — гидж КПСС-н райкомин пропагандист үр **Ланаев** келв. Эн төрлэ зерглдүлдж, күч-көлсчирт культури тетквр бүрдэлгьнд онц оньг өгхмн, — гидж эн цааранднь келв.

Иргч долан джилд темдлгдсн коммунистическ тосхлына агьу ик зура күцэлгьнд комсомольчир болн багьчуд ик даалгьврта орм эзддэхин тускар, ВЛКСМ-н райкомин сөглэтр үр **Четырев** келв. Тер учрар материалын болн культури теткврин, багьчудиг сэн бүрдэмдэжтэ кевэр көдлмшт ололхин туск төрмүдт эдл-ахусин гардачир онц оньган өгх зөвтэ гидж эн селвгэн келв.

Мана гундд, Целинн районы совхозмүд ниди джил эндэ заагдсн, дуту-дундсан уурулхин туст, урдк эндүгьарн ашлвр кесмн уга, ард үлдэж йовсн кевтэн йова йовцхана, гидж республикин селәнэ эдл-ахун

министр үр **Бабышев** келв. Келхд, эн джил зябь хагьлгьна зура күцэлгьд, хөөтидк буудан ургьчнь аамшгтэ бөөдлд бөөнэ, газр эдлгьнэ агротехник му болджана, тэра тарлгьн му экэр кегднэ, хөөнэ га рунь йир ик гидж, — Бабышев цааранднь келв. Үр Бабышев эврәннь үгдэн, энд техник муугьар ололгьдин болн терүт болзгаснь урд үрадгин тускар, Целинн РТС «Родина» колхозиг ясврар эс теткдэчадснас көлтэ, колхоз зябь хагьлгьго, хөөтидк ургьчиг аамшгт тэвдэжхн тускар шалгьдэж, цааранднь тесдэж болшго йовдлмүдиг илдэж келв.

Хургин сүүлар босдэж үг келсн, КПСС-н Целинн райкомин сөглэтр үр **Зурумхинов** государствд мах орулдж өгьлгьнэ төриг ясрулхин кергт хальмг тохмта бод мал өсклгьнд оньг өгх төр тэвб.

Активин хургт босдэж келцхэсн үүрмүд цугьарн эврәннь шишлнь сөдварэн, селвгэн келдэж, теднэн хургин тогтаврт бичцхэв. Эврәннь райогьан ард үлдэж йовхас нүүрт йовхд хуврэх болдж келцхэв.

С. ДЖАНУЕВСКИЙ.